

دائرة مخصوصه

درسمادنده باب عالی جوارنده

محل اداره :

مشرط القبر

۱۳۲۶

اخطار :

مسلكمزه موافق آثار جديده مع المنونيه
قبول اولنور

درج ابدنه بن آثار اعاده اولنور

ديره، فلسفه، علوم، حقوق، ادبيات و سياستنامه و باطامه كرك سياسى و كرك اجتماعى و مدنى احوال و شئونه اسلاميه و نه بحث ايدر و هفته ده بر نشر از انور.

آبونه بدلى

سنه لکى التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۰۵	روبله
سائر ممالك اجنبيه	»	۱۷	۹	فرانق

صاحب و مؤسسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسمادنده نسخه سى ۵۰ پاره در

قبرله دن مقوا بورو ايله كوندريلىر سه سنوى

۲۰ غروش فضله آلنير

هفته تعطیلی مسأله‌سی

سلانیک‌ده منتشر « روم ایلی » رفیق محترم ، جمعه تعطیلندن باحث باش مقاله‌سند دیورکه :

مملکت‌مزدده اونه‌دنبری اسلام تاجار و عمله‌شی ایچون بر یوم استراحت یوقدر . فی الحقیقه شریعت‌مز کیمسه‌یی عدم‌سعیه اجبار ایتمز . هرکس ایسته‌دیکی قدر چالیشیر . فقط مدینت حاضره‌نک آلدینی شکل مساعی ، انسانلرک مطلقاً بر یوم استراحت نائل اولماسنی مجبوری قیلیور . غیر مسلم وطنداشلریمز بو استراحتدن تامایله مستفید اولبورلر . اولرله بر سوئے سعیده بولونایلمک ایچون چالیشان اسلام ارباب مساعی ایسه ، بوندن محرومدرلر .

ایشته ، آرتق بلا آرام چالیشمنی صحت بدنیه‌لری ایچون مضر کوردن سلانیک اسلام تاجار و مستخدمینی هیچ اولمازسه جمعه‌کونی تعطیل مساعی ایتمک ایستدیلر ، بونک ایچون یوم تأدیه‌نک تبدیلی لازم کایوردی . حکومتک اتخاذ ایتدیکی تدبیر مستحسن اوزرینه بو مسأله ، تاجار و مستخدمینک آرزوسی دائره‌سند حل اولونقی اوزره‌در .

مسائل اجتماعی‌نک مهملرندن معدود هفته تعطیلی مسأله‌سی یواش یواش بزده‌ده صحائف مطبوعاته کچمه‌یه باش‌لادی . اکثریت اهالیسی مسلمان اولان بر دولت اسلامیه‌ده ، « غیر مسلم وطنداشلرک هفته استراحتندن مستفید ایکن ، مسلم قرداشلرک محروم اولمه‌سی البته ، هیچ بر صورتله تجویز اولوناماز . حکومت مرکزیه ولوکه موقه اولسون ایکی تعطیل کونی طانیهرق خطالی بر یوله صاپدی . لکن امیدوارزکه یاقینده بومهم مسأله مرجعنه لزومی درجه‌سند دوشنبوب ، هیچ اولمازسه ، اساساً بر صورت حله اقتران ایلر .

ینه مصر مسئله‌سی

کچلرده انکلتزه عوام قارده‌سند مصردن بحث آچیلش ایدی‌ده خارجیه ناظری مستر غره‌ی تقریباً شویله دیمشیدی : بزم بوراده بولمق‌لیمز هر نه‌قدر حقوق بین‌الملل قواعدینه تماماً اویامازسه‌ده حق قراریمز وارددر . بز قواعد دکل ، حقایقه بقارز . مصری هرجه‌تدن اصلاح ایتدیکنز کوز اوکنده‌در . هر نقدر علیهمزه آووج آووج تخم فساد اکیلکده ایسه‌ده ، بز بونلره هیچ اهمیت ویرمیه‌رک ، مصردن چیقیمه‌جغمزی قطعی اعلان ایدیورز و بوندن متولد بوتون مسئولیتی اوزریمزه آلیورز .

بو مناسبتله قریمده‌کی « ترجمان » رفیق محترمز آتیده‌کی قیصه ، فقط یک آجیق و یک طوغری مطالعه‌یی علاوه ایدیور :

سیاسیات عالنده وعده وفا یوقدر ؛ متوفی غلادستون مصردن چیقاجنر دییوردی ، غره‌ی بونک عکسنی سویلیور . ذاتاً حقوق طویوزه باغلیدر .

ایران و آلمانیا

بومایده منتشر جبل‌المتین غزته‌سی ایران ایله آلمانیا آره‌سند کی مناسباته دائر نشر ایتدیکی بر مقاله‌سند بیانات آتیه ایله ختام ویریور :

۱ — ایران دولتی براسنقراض داخلی ایله اکتفا ایتمه‌لی ،

۲ — سرابه عائد بتون مجوهراتی صاتوب اصلاحات اداره‌یه صرف ایللی ،

۳ — استقراض خارجی‌یه مجبوریت حس اولندیی تقدیرده

استقراضی آلمانیادن یاهررق ، اولاموجود اولان بتون دیون‌اجنبیه‌یی ادا ایتلی و ثانیاً بحر حزر ایله بحر فارس آره‌سند بیوک بردمیز یولی انشا ایللی ،

۴ — هر نه اولورسه اولسون ایرانیلر آلمانیا ایله ائتلاف ایتلی و ممکن ایسه اتحاد مسئله‌سندن واز کچمه‌ملی‌در .

مهم بر لایحه

طهرانده منتشر « ایران نو » غزته‌سی صاحبی نیراحق تبریزی طرفندن یازیلوب ایران مجتهدلرینه کوندریلن مهم بر لایحه‌یی نشر ایدیور ؛ سلاله قاجاریه‌نک ایرانده دوام وبقای مسئله‌یی بحثنده دییورکه !

شو سلاله ایران زمام اموری آله‌الدینی کوندنبری ایران دائماً تدنی ایتکده‌در . بوتدنی‌نک ، معلوم اولدینی اوزره ، یکانه سببی‌ده سلاله مذکورده‌نک سوء اداره و تعدیاتی‌در . ناصرالدین شاهک اواخر سلطنتنه قدر شو سلاله‌یه منسوب بتون شاهلر مملکتک بالجله وارداتی یالکز کندی ذوق و صفالرینه ، کندی کیف و هوسلرینه صرف ایدرک مملکتک آتینسی قطعاً دوشمنیورلردی . مظفرالدین شاه زمانه کلنجه بوذات‌ده ایرانی بیلرک روسیه‌یه صاتدی و بیت‌المالدن بر چوق پاره‌لر آله‌رق اوروپاده فسق و فجوره صرف ایتدی .

ایشته بوکی خیانت و تعدیاتک نتیجه‌سی اولهرق بوکون ایران‌الدین کیدیور . شیمدی ایرانی دشمنلرک صولتندن قورتاره‌بیلرک نه‌عسکری وار ، نه‌پارده‌سی ، نه‌ده سائر محتاج اولدینی شیلر . روس وانکلزلرک ایسه نیتلری معلوم‌در : بونلر ، ایرانی تقسیم ایتمکدن باشقه بر شی دوشونمیورلر . معاذالله بویله بر حادثه وقوع‌بولورسه بو حال ایرنک اجانب‌النه‌دوشن دیکراسلام مملکتلرینک حاله کلکسنی انتاج ایده‌جکدرکه اسلامیتک ایرانده محو اوله‌جغه آرتق شبهه ایتمه‌ملی‌در .

بوکا چاره آرامق وظیفه‌سی جمله‌دن زیاده علمانک عهده‌سند ترتب ایدیور . لکن مع‌التأسف علمای ایرانیه چاره مسئله‌سند کلکده « اسلامیت ایرانی حفظ ایدر » دیمکدن باشقه بر شی دوشونمیورلر . حالبوکه اسلامیت ایرانی دکل ، قوتلی ایران اسلامیتی محافظه‌ایده‌جکدر . فرض ایده‌لم‌که الآن بتون ایرانیلر سلمان و مقداد کی مقدس وزاهددرلر ؛ عجباً بوقدر سلمان و مقدادلر اسلامیه‌سز ، پاره‌سز ، علم‌سز و معلومات‌سز اسلامه و ایرانیه نه‌منفعت تأمین ایده‌بیلیرلر ؟

لایحه صاحبنک عقیده‌سنجه ایران ایچون یکانه چاره خلاص همان سلاله قاجاریه‌یی خلع ایدرک اسلامیتک بدایتنده اولدینی کی بر حکومت عادله‌نک تأسیسندن و بتون افراد ملتک غازی اولمسندن عبارت‌در !

هندیلرک انکلزلر حقنده کی افکاری

هند سوار هبارده : انکلز ! انکلزلر کم اولیورمش ؟ ... اوت ، بو مملکتک حاکم‌لری ! .. لکن نصل اولمش‌ده بزه حاکم اولمش ؟ اسارت زنجیرلینی بزم بوغزه طاهررق ؛ عادات و عنعنات قدیمه‌سز کوشه منسبت آتهرق . بزی سلاح قوللاقی ملکه‌سندن بوسبتون محروم براهررق بوغاتی استحصال ایتلردر .